

საქართველოს სახელმწიფო უსაფრთხოების სამსახური



საკონკურსო დოკუმენტაცია

CPV 71200000- ესკიზურ-არქიტექტურული პროექტის შესყიდვა

წინამდებარე საკონკურსო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2015 წლის 22 მაისის N7 ბრძანებით დამტკიცებული „კონკურსის მეშვეობით საპროექტო მომსახურების სახელმწიფო შესყიდვის წესისა და პირობების“ საფუძველზე

ქ. თბილისი
2019 წელი

1. მითითება კონკურსში მონაწილეთათვის

1.1 კონკურსთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხო ენაზე წარმოდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.2 სახელმწიფო შესყიდვების ერთიან ელექტრონულ სისტემაში (შემდგომში–სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ.

1.3 წინადადების ფასი გამოსახული უნდა იყოს ეროვნულ ვალუტაში საქართველოს კანონმდებლობით განსაზღვრული ყველა გადასახადის გათვალისწინებით. ხარჯების, რომელიც საკონკურსო წინადადების ფასში არ იქნება გათვალისწინებული, არ დაექვემდებარება ანაზღაურებას.

1.4 საკონკურსო წინადადების წარდგენა შესაძლებელია მხოლოდ სისტემის მეშვეობით, აფიდავიტის პირობებზე დათანხმების, ელექტრონული გარანტიის წარდგენისა და საფასურის გადახდის შემდეგ.

1.5 ტექნიკური დოკუმენტაციის სისტემაში ატვირთვის შემდეგ, პრეტენდენტმა სისტემის შესაბამის ველში უნდა მიუთითოს საკონკურსო წინადადების ფასი **დღგ–ს გარეშე**, რომელიც არ უნდა აღემატებოდეს შესყიდვის ობიექტის სავარაუდო ღირებულებას.

1.6 პრეტენდენტი წინადადების ფასში არ ითვალისწინებს დღგ–ს, მიუხედავად იმისა, არის თუ არა იგი დღგ–ს გადამხდელი საქართველოს კანონმდებლობის შესაბამისად. იმ შემთხვევაში, თუ გამარჯვებული პრეტენდენტი ხელშეკრულების მომენტისათვის, საქართველოს კანონმდებლობის შესაბამისად, არის დღგ–ს გადამხდელი, ხელშეკრულების ღირებულებაში გათვალისწინებული იქნება საკონკურსო წინადადების ფასის შესაბამისი დღგ–ის ოდენობა.

1.7 პრეტენდენტს უფლება აქვს წარმოადგინოს მხოლოდ ერთი საკონკურსო წინადადება. ალტერნატიული წინადადებები არ განიხილება.

1.8 ხელშეკრულების დასადებად მოწვევამდე, პრეტენდენტს უფლება აქვს, უარი თქვას საკონკურსო წინადადებაზე. რაც იწვევს პრეტენდენტის მიერ შესყიდვის სავარაუდო ღირებულების 1 %-ის ოდენობის ელექტრონული გარანტიის დაკარგვას.

1.9 საუკეთესო საკონკურსო წინადადებისა და გამარჯვებულის გამოვლენისათვის კონკურსში გამოიყენება საკონკურსო პირობებით დადგენილი კრიტერიუმები და მათი ხვედრითი წონები.

1.10 კონკურსში პრეტენდენტს საკვალიფიკაციო მონაცემების დამადასტურებელი დოკუმენტაციის წარმოდგენა არ მოითხოვება.

1.11 კონკურსში პრეტენდენტს საკონკურსო წინადადების ფასის გაანგარიშების წარდგენა არ მოეთხოვება.

1.12 პრეტენდენტი, რომელიც ტექნიკურ დოკუმენტაციაში მიუთითებს საკონკურსო წინადადების ფასს ექვემდებარება დისკვალიფიკაციას.

1.13 „კონკურსის მეშვეობით საპროექტო მომსახურების სახელმწიფო შესყიდვის წესისა და პირობების დამტკიცების შესახებ“ სახელმწიფო შესყიდვების სააგენტოს თავმჯდომარის 2015 წლის 22 მაისის N7 ბრძანებით დამტკიცებული წესის მე-2 მუხლის პირველი პუნქტის „ნ“ ქვეპუნქტით გათვალისწინებული სტატუსის მინიჭებიდან ამავე პუნქტის „პ“ ქვეპუნქტით გათვალისწინებული სტატუსის მინიჭებამდე, საკონკურსო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით.

1.14 სახელმწიფო შესყიდვის შესახებ ხელშეკრულების პროექტი და პირობები მოცემულია საკონკურსო დოკუმენტაციაში, რომელიც ხელშეკრულების დადების მომენტისათვის დაზუსტდება საკონკურსო წინადადების შესაბამისად.

საკონტაქტო პირი კონკურსის მიმდინარეობის საკითხებზე თამუნა ომანაძე. ტელ: 577609955. ელ.ფოსტა: tamunaomanadze@gmail.com

2. ტექნიკური დოკუმენტაცია:

- 2.1 შესყიდვის ობიექტი: ქ. რუსთავეში, (რუსთაველის I გასასვლელი N1, საკადასტრო კოდი 02.05.09.041) სუს-ის ახალი ადმინისტრაციული შენობის ესკიზური პროექტი.
- 2.2 შესყიდვის ობიექტის სავარაუდო ღირებულება : **4000 ლარი** დღგ-ს გარეშე
- 2.4 პროექტის მიწოდების ვადა: ხელშეკრულების გაფორმებიდან **7 კალენდარული დღე**
- 2.5 მიმწოდებელმა **შემსყიდველის მიერ მითითებული შენიშვნების შესაბამისად** ესკიზური პროექტი უნდა წარმოადგინოს 1 ეგზემპლარად ალბომის სახით A-3 ფორმატის ფერადი ბეჭდვით და ელექტრონული ვერსი (ელ. ვერსიის ფორმატი დაზუსტდება ხელშეკრულების გაფორმებისას).
- 2.6 შესყიდვის ობიექტის მიწოდების ადგილი: ქ. თბილისი, ვაჟა-ფშაველას N72

3. პროექტი ითვალისწინებს:

ორსართულიანი შენობის ოთახების რაოდენობა და სავარაუდო ფართობი, კერძოდ:

I -სართული

- პირველი, მეორე და მესამე სამსახურების ცენტრალური შესასვლელის ჰოლი (სამსახურებში დამოუკიდებელი გასასვლელებით)- 40 მ²;
- პირველი სამსახურის დერეფანი დამოუკიდებელი შესასვლელით - 43 მ²;
- მეორე სამსახურის დერეფანი დამოუკიდებელი შესასვლელით - 43 მ²;
- პირველი და მეორე სამსახურებისათვის დამოუკიდებლად კაბინეტი მისაღებით, მოსასვენებლით და სანიტარული კვანძებით თითოეული - 67 მ²;
- პირველი და მეორე სამსახურებისათვის დამოუკიდებლად სამ-სამი სამუშაო ოთახი - 65 მ²;
- პირველი და მეორე სამსახურებისათვის ერთი სანიტარული კვანძი შ.შ.მ. პირებისათვის - 4,5 მ²;
- პირველი და მეორე სამსახურებისათვის დამოუკიდებლად სანიტარული კვანძები ქალებისათვისა - 10 მ² და მამაკაცებისათვის - 15 მ²;
- პირველი და მეორე სამსახურებისათვის საქვავები ერთმანეთისაგან დამოუკიდებლად თითოეული - 3 მ²;
- პირველი და მეორე სამსახურებისათვის დამოუკიდებლად საკუჭნაო ოთახები, თითო - 3მ²;
- პირველი და მეორე სამსახურებისათვის დამოუკიდებლად ელ. ფარების მოსაწყობი ოთახები თითოეული - 1,5 მ².

II -სართული

- მესამე სამსახურისათვის ჰოლი დერეფნებით 120 მ²;
- მესამე სამსახურის კაბინეტი მისაღებით, მოსასვენებლით და სანიტარული კვანძით - 62 მ²;
- ათი სამუშაო ოთახი - 200 მ²;
- ორი დამოუკიდებელი სანიტარული კვანძები ქალებისათვისა - 15 მ² და მამაკაცებისათვის - 15 მ²;
- საკუჭნაო ოთახი, თითო - 3მ²;
- ელ. ფარების მოსაწყობი ოთახი - 1,5 მ².

ორსართულიან შენობაში ასევე გათვალისწინებული იყოს დამოუკიდებელი ორი სახანძრო კიბე.

ცალკე მდგომი ერთსართულიანი შენობის ოთახების რაოდენობა და სავარაუდო ფართები, კერძოდ:

- ჰოლი - 6 მ²;
- კორიდორი - 10 მ²;
- სტუმრის მისაღები კაბინეტი - 15 მ²;
- მორიგე ხელმძღვანელის ოთახი - 10 მ²;
- მორიგეებისათვის მოსასვენებელი და სამუშაო ოთახები - 15 მ²;
- სანიტარული კვანძი - 2.5 მ²;
- საშხაპით - 4.5მ²;
- სანიტარული კვანძი შ.შ.მ. პირებისათვის - 4,5 მ²;
- საკუჭნაო ოთახი - 3მ²;
- ელ. ფარების მოსაწყობი ოთახი - 1,5 მ².
- საქვაბე - 3 მ²;

4. პრეტენდენტის მიერ ერთიან ელექტრონულ სისტემაში ასატვირთი დოკუმენტაცია:

საპროექტო წინადადების თანახმად პროექტანტმა კონკურსისთვის უნდა წარმოადგინოს ორი ასაგები ნაგებობის (ორსართულიანი - 1000 კვ.მ და ერთსართულიანი - 70 კვ.მ) სქემატური გეგმები, ჭრილები, ფასადები მოსაპირკეთებელი მასალების მითითებით, ტერიტორიის კეთილმოწყობის გეგმა მისასვლელი გზის და ლობის ჩვენებით, ფოტო მონტაჟი რეალურ გარემოში და სამ განზომილებიანი ხედები სხვადასხვა რაკუსიდან 5-10 ფურცელი (ა-3 თაბახის ფურცელზე).

5. საკონკურსო წინადადების ფასის შეფასების წესი და პირობები:

5.1 საკონკურსო წინადადების შეფასების კრიტერიუმები:

- ხარისხის ჯამური კოეფიციენტი შეადგენს -0,8;
- საკონკურსო წინადადების ფასის კოეფიციენტი - 0,2.

5.2 საუკეთესო საკონკურსო წინადადების გამოვლენისათვის დადგენილი ხარისხის შეფასების კრიტერიუმები და მათი ხვედრითი წონები:

N	ხარისხის შეფასების კრიტერიუმი	ხვედრითი წონა
1	პრეტენდენტის მიერ წარმოსადგენი სადემონსტრაციო მასალა /დიზაინი/ ვიზუალიზაცია . (შენიშვნა: არათვალდები კრიტერიუმი, სადაც უპირატესობა ენიჭება საკონკურსო კომისიის წევრების მიერ მინიჭებული ქულების მაღალ საშუალო არითმეტიკულ მაჩვენებელს)	1

შენიშვნა:

კრიტერიუმის შეფასებისას კომისიის ყოველი წევრი ცალ-ცალკე აფასებს კრიტერიუმს 0-10 ქულიან დიაპაზონში, ხოლო საბოლოო შეფასება განისაზღვრება კომისიის წევრების მიერ მინიჭებული ქულების საშუალო არითმეტიკული მაჩვენებლით.

6. გამარჯვებული პრეტენდენტის მიერ ხელშეკრულების გაფორმებიდან **7 კალენდარულ დღეში** წარმოსადგენი დოკუმენტაცია:

- 1) ესკიზური პოექტი ერთ ეგზემპლარად, ალბომის სახით A-3 ფორმატის ფერადი ბეჭდვით;
- 2) ელექტრონული ვრესია (ელ. ვერსიის ფორმატი დაზუსტდება ხელშეკრულების გაფორმებისას).

გამარჯვებული პრეტენდენტი საკონკურსო ხელშეკრულების დადების შემდგომ ვალდებულია შემსყიდველს გადასცეს საავტორო უფლება (საჭიროებისამებრ შესაბამისი ცვლილებების შესატანად).

7. ანგარიშსწორების პირობები:

- 7.1. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშ-ფაქტურა, სასაქონლო ზედნადების) გამოწერიდან/წარმოდგენიდან **10 (ათი)** დღის განმავლობაში.
- 7.2. ანაზღაურების ფორმა - უნაღდო.
- 7.3. წინასწარი ანგარიშსწორება (ავანსი) არ განიხილება.

შენიშვნა:

- იმ შემთხვევაში თუ პრეტენდენტების მიერ წარმოდგენილი ვიზუალური ესკიზი საკონკურსო კომისიის წევრების მიერ შეფასდება 50% -ზე ნაკლები ქულით, მიენიჭება დისკვალიფიკაცია.

ხელშეკრულების პროექტი, რომელიც დაზუსტდება საკონკურსო დოკუმენტაციისა და საკონკურსო წინადადების შესაბამისად

ხელშეკრულება N _____

სახელმწიფო შესყიდვის შესახებ

(კონკურსი CNT _____)

ქ. თბილისი

_____ 2019წ.

საქართველოს სახელმწიფო უსაფრთხოების სამსახურის ეკონომიკური დეპარტამენტი (მის: ქ. თბილისი, 9 აპრილის ქ. N4, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204584887), შემდგომში წოდებული „შემსყიდველად“, წარმოდგენილი დეპარტამენტის დირექტორის სერგო ჯანელიძის სახით და

მიმწოდებელი: ი/მ, ფ/პ, შპს, სს XXXXX“, საიდენტიფიკაციო კოდი: XXXXX

მისამართი, ტელეფონი: XXXXX; ტელ: XXXXX

დირექტორი: XXXXX

საბანკო რეკვიზიტები: XXXXX ბანკის კოდი: XXXXX ანგ. ანგარიში: XXXXX

ორივე ერთად აღიარებული, როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

I. გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1. „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
3. „დღე“, „კვირა“, „თვე“ - კალენდარული დღე, კვირა, თვე.
4. „შემსყიდველი“ - ორგანიზაცია, რომელიც ახორციელებს შესყიდვას.
5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

7. „ტექნიკური დოკუმენტაცია“ - მიმწოდებლის მიერ CNT_____ კონკურსში საკონკურსო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

II. ხელშეკრულების საგანი

- წინამდებარე ხელშეკრულების დანართი N1-ით განსაზღვრული --- შესყიდვა (CNT-----).
- ხელშეკრულების დანართი N1-ით განსაზღვრულია _____.

III. ხელშეკრულების ღირებულება

- ხელშეკრულების ღირებულებაა - _____ ლარი.
- ხელშეკრულების ღირებულება მოიცავს საქონლის ღირებულებას, წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

IV. მხარეთა ვალდებულებები

- მიმწოდებელი ვალდებულია:**
 - ა) უზრუნველყოს წინამდებარე ხელშეკრულებით გათვალისწინებული საქონლის მიწოდება ხელშეკრულების დანართ N1-ში მითითებულ ვადებში და ადგილზე;
 - ბ) გადასცეს შემსყიდველს უფლებრივად და ნივთობრივად უნაკლო საქონელი;
 - გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში, განიხილოს შემსყიდველის პრეტენზიები, მიაწოდოს მოტივირებული პასუხი ყველა საკითხზე და დაუყოვნებლივ უზრუნველყოს აღმოჩენილი ხარვეზის გამოსწორება;
 - დ) განახორციელოს ამ ხელშეკრულებით მასზე დაკისრებული სხვა ვალდებულებები.
- შემსყიდველი ვალდებულია:**
 - ა) უზრუნველყოს ხელშეკრულების შესრულების კონტროლი;
 - ბ) განახორციელოს ამ ხელშეკრულებით მასზე დაკისრებული სხვა ვალდებულებები.

V. ხარისხი

- მიწოდებული საქონლის ტექნიკური მახასიათებლები უნდა შეესაბამებოდეს ხელშეკრულების 2.2. პუნქტით განსაზღვრული დანართ N1-ში მითითებულ მაჩვენებლებს და ხარისხი - დადგენილ სტანდარტებს.

VI. ხელშეკრულების შესრულების კონტროლი და საქონლის მიღება-ჩაბარების წესი

- შემსყიდველის მიერ მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.
- ხელშეკრულების პირობების შესრულების კონტროლს განახორციელებს სახელმწიფო უსაფრთხოების სამსახურის უფლებამოსილი პირი, მიღება - ჩაბარებას განახორციელებს სუს ეკონომიკური დეპარტამენტის შესაბამისი უფლებამოსილი პირი.**

3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი. წუნდებული საქონლის აღმოჩენის შემთხვევაში, მიმწოდებელი ვალდებულია წერილობითი შეტყობინებიდან **5 (ხუთი)** დღის განმავლობაში გამოასწოროს წუნი. ობიექტური მიზეზით წუნის გამოსწორების შეუძლებლობისა და შემსყიდველის მიერ მოწოდებული საქონლის ღირებულების დროული ანგარიშსწორების შემთხვევაში, მიმწოდებელი ვალდებულია დაუბრუნოს შემსყიდველს აღნიშნული საქონლის ღირებულება.
4. თუ ამ მუხლის 6.3. პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.
5. შემსყიდველი უფლებამოსილია განაცხადოს უარი უხარისხო (წუნდებული), საქონლის თანმხლები აუცილებელი დოკუმენტაციის გარეშე ან დაგვიანებით მიწოდებული საქონლის ნაწილის ან მთლიანი მოცულობის მიღებაზე.
6. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
7. ამ მუხლის 6.2 პუნქტში მითითებული პირის მიერ მიღება-ჩაბარების აქტის ხელმოწერით, საქონლის მიღებასთან ერთად დასტურდება ხელშეკრულების შესრულების კონტროლის განხორციელებაც.
8. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს. აღნიშნული არ ჩაითვლება მიმწოდებლის მხრიდან ვადის გადაცილებად.

VII. ანგარიშსწორება

1. ანგარიშსწორება განხორციელდება შემდეგი პირობებით:
 - ა) ანგარიშსწორების ვალუტა - ლარი;
 - ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
2. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშ-ფაქტურა, სასაქონლო ზედნაღების) გამოწერიდან/წარმოდგენიდან **10 (ათი)** დღის განმავლობაში.

VIII. ხელშეკრულების შესრულების შეფერხება

1. ხელშეკრულების შესრულების პროცესში იმ ხელისშემშლელი გარემოებების გამოვლენისას, რომელთა გამო ფერხდება ხელშეკრულების პირობების შესრულება, მხარეები დაუყოვნებლივ ატყობინებენ ერთმანეთს წერილობით შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღები მხარე ვალდებულია შეძლებისდაგვარად მოკლე დროში აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.
2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

IX. ხელშეკრულების პირობების შეუსრულებლობა

1. წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული მომსახურების გაწევის ვადების გადაცილების შემთხვევაში ან 6.3 პუნქტით განსაზღვრული პირობების დარღვევისას, მიმწოდებელს ეკისრება პირგასამტეხლო, შესაბამისად ყოველ ვადაგადაცილებულ დღეზე შეუსრულებელი ან/და უხარისხოდ მიწოდებული მომსახურების ღირებულების **0.2%-ის** ოდენობით; იმ შემთხვევაში თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების **6%-ს** შემსყიდველი უფლებამოსილია მიმწოდებელს დააკისროს პირგასამტეხლო **ხელშეკრულების ღირებულების 5%-ის ოდენობით**.

2. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
3. შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის, სრულად შეუსრულებლობის ან ნაკისრ ვალდებულებებზე უარის თქმის შემთხვევაში, მიმწოდებელს დააკისროს ჯარიმა **ხელშეკრულების ღირებულების 5%-ის ოდენობით**.

XI. ხელშეკრულებაში ცვლილებების შეტანა

1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების მიერ დადასტურებული ხელმოწერით.
2. წინასწარ გაუთვალისწინებელი მიზეზების გამო, ხელშეკრულების პირობების შეცვლის აუცილებლობის წარმოშობისას, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

XII. დავების გადაწყვეტა

1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.
2. თუ მოლაპარაკებების დაწყებიდან **5 (ხუთი)** დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით გადაწყვეტაზე, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XIII. ხელშეკრულების შეწყვეტა

1. შემსყიდველი უფლებამოსილია ხელშეკრულების ნებისმიერ ეტაპზე ან/და საქართველოს კანონმდებლობით დადგენილ სხვა შემთხვევებში, მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას და გამოიყენოს 9.3 პუნქტით გათვალისწინებული საჯარიმო სანქცია ადნიშნულის შესახებ შემსყიდველი წერილობით აცნობებს მიმწოდებელს.
2. ადნიშნულის შესახებ შემსყიდველი წერილობით აცნობებს მიმწოდებელს.
3. შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.
4. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.
5. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

XIV. ხელშეკრულების მოქმედების ვადა

1. წინამდებარე ხელშეკრულება ძალაში შედის _____ და მოქმედებს _____ .

XV. ფორს-მაჟორი

1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.
2. წინამდებარე ხელშეკრულებისთვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

3. მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ აცნობოს მეორე მხარეს წერილობით შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

XVI. სხვა პირობები

1. ხელშეკრულება შედგენილია ქართულ ენაზე , გამოყენებულია კვალიფიციური ელექტრონული ხელმოწერა/შტამპი.

XVII. მხარეთა რეკვიზიტები

შემსყიდველი

საქართველოს სახელმწიფო უსაფრთხოების

სამსახური

მის: ქ. თბილისი, 9 აპრილის ქ. N4

ტელეფონი: 2 41 44 03

საბანკო რეკვიზიტები:

სახელმწიფო ბაზინა, კოდი TRESGE22,

ს/კ: 204 584 887

სახელმწიფო უსაფრთხოების სამსახურის

ეკონომიკური დეპარტამენტის დირექტორი

სერგო ჯანელიძე

მიმწოდებელი

